

videtur processisse Gedeon, nam ipse non diffidebat complendum esse, quod dictum fuerat; sed quia familiariter poterat Deo loqui, rogabat s^ep^e super eadem re. Sic rex Ezechias petivit signum de sanitate sua futura, quam tamen certa prædictione intellexerat ex propheta Isaia, uti patet ex IV Reg. XX, neque ob id reprehensus legitur.

R. quod familiaritas loquendi sit, quando quis plura loquitur, quam alioquin locutus esset, idque majori cum fiducia, non formidando durum responsum: non tamen facit petere omnino superflua, ut fecit Gedeon. Ezechias autem non petivit duo aut tria signa, sed unum tantum. Item non petivit ut sciret an Deus promissionem suam esset impleturus, sed ut sciret an Dominus revera per Isaiam prophetam illi sanitatem promisisset, præsertim cur. paulo ante ab eodem propheta audivisset: *Hæc dicit Dominus... morieris tu et non vives.*

Obj. VI. cum Dionys. Carthus. Credebat quidem Gedeon Deo promittenti victoriam, sed metuebat ne promissio hæc esset conditionata (si nempe Israelitæ Deo toto corde servirent), non absoluta. Quare petit hoc signum, ut Deus declareret conditionem hanc esse absolutam; quia s^ep^e promissiones divinae intelliguntur conditionatae, quamvis conditio non exprimatur.

R. Præterquam quod gratis singi videatur, Gedeonem metuisse ne promissio esset conditionata; neg. assumpt., quia si hoc solum metuisset, unum duntaxat signum postulasset. Si vero quis dicat, quod ista duo signa duabus noctibus declaranda petita sint, quia inter utramque poterat mutari sententia Dei, si nempe interim Israelite aliiquid commisissent, propter quod mererentur non adjuvari: debuit consequenter admirtere, quod etiam qualibet hora essent nova miracula postulanda, quia singulis horis poterat populus a Deo desicere.

QUESTIO III. — QUID INTELLIGATUR PER EPHOD, QUOD EX SPOLIIS MADIANTARUM FECIT GEDEON.

Postquam Gedeon cum solis 300 hominibus numerissimum Madianitarum exercitum profligasset, et indignationem Ephraimitarum fregisset, nec non justa vindicta contrivisset primores urbi Socoth et Phanuel, ab Israelitis petivit inaures aureas, ex spoliis Madianitarum et Ismaelitarum acquisitas, ut dicitur cap. VIII, 24, *Et fuit, ut ibidem additur, ¶ 26, pondus postulatarum inaurium, mille septingenti sici, absque ornamenti et monilibus, et ueste purpurea, quibus reges Madian uti soliti erant, et præter torque aureas camelorum.* Cum juxta interpretes communiter siclus ponderaret semi-uncia nostrata, sequitur quod Gedeon accepit circiter 70 libras auri.

¶ 27: *Fecitque ex eo Gedeon ephod.* Non est verisimile, totum hoc aurum expensum fuisse in solum ephod: *Quis enim præfex aut quis homo ferret uestem ponderantem 70 libris?* Itaque pars hujus auri in alia ornamenta fuit expensa.

R. et dico I: Procopius citatus apud A Lapide, et alii apud Abulensem Q. 23, arbitrantur ephod hoc

fuisse idolum quoddam pulchrum et aureum, quod Gedeon posuit in urbe sua Ephra.

Sed haec opinio merito rejicitur: Quomodo enim verisimile est, quod Gedeon, qui fuit maximus persecutor idolatriæ, suffodiens aram Baal, et destruens nemus ejus, quique erexerat altare jussu Dei (supra cap. VI), ad publicam idolatriam declinaret? Quis credat virum sanctum, imo Deo familiarem et dilectum, post tantam victoriam a Deo acceptam voluisse esse auctorem idolatriæ? Præterea ¶ 52 dicitur quievisse in senectute bona, quod juxta phrasim Scripturæ est summa laudis species, et non nisi ad viros sanctos extendi solet.

Obj. I. Versu 27 dicitur: *Fornicatus est omnis Israel in eo;* ergo per ephod intelligitur idolum; nam in Scriptura fornicatio, ubi agitur de religione, significat idolatriam.

R. neg. conseq. Quia sensus est: *In eo,* ephod scilicet, peccavit Israel, abutendo sacra illa ueste ad idolatriam, quam tamen fecerat Gedeon ad cultum diuinum.

Obj. II. Ex textu hebraico colligitur, fuisse aliquid ex auro solidum, vel istiusmodi certe, quod per se stare posset, sicut solent idolorum statuae. Unde ubi textus noster habet posuit, in hebreo habetur *jatseb;* id est statuit, ut vertit Arias Montanus. Hinc etiam S. P. Aug. Q. 41 in Jud. dicit: *An ideo dictum est, « Statuit illud in civitate sua Ephra, » ut hinc intelligeretur auream fuisse statuam? Non enim dictum est (in greco) « posuit, » sed « statuit, » quoniam ita erat solidum et validum ut statui posset, hoc est positum stare.*

Præterea ad hoc fabricandum Gedeon petivit inaures aureas, et ex hoc auro fecit ephod. Atqui superhumerali, seu uestis pontificia non siebat tam ex auro, quam ex aliis: *Nam ex auro et hyacinthro, et purpura et coccino et bysso ut fieret, divinitus imperatum est* (Exod., XXVIII), ut notat S. P. Aug. Q. cit. ergo, etc.

R. quod non videatur specialis vis facienda in verbo statuit, hoc enim idem significat quod collocavit, vel ut vertit S. Hieron. posuit, sicut etiam transtulit Pagninus. Porro S. P. Aug. tantum disputative procedit, inquirendo scilicet quid per ephod intelligatur, et in fine quæstionis tantum mentem suam declarat. Ad id autem, quod dictum est, Gedeonem petivisse inaures aureas, respondeo eum petivisse aurum pro ephod, et non pro idolo, quia voluit facere ephod et rationale (inquit Abulensis), in quibus multum auri est, præsertim in rationali et circa duodecim gemmas, quæ omnes auro includebantur: voluit enim facere ephod pretiosissimum, et ob hoc petivit multum auri.

Dico 2. Arias Montanus opinatur, hoc ephod a Gedeone factum utpote aureum, distinctum fuisse a superhumerali pontificis, et confectum hoc fine tantum, ut esset Victoriae tam stupendæ insigne monumentum. Unde Cajetanus arbitratur, ephod hoc fuisse loricam ex auro ductilem, ut esset signum militiae, pugnae, et Victoriae.

Dico 3. Longe tamen præferenda est sententia S.

P. Aug., qui Q. supra cit. censet Gedeonem fecisse ephod pontificale ceterasque pontificis uestes, omnemque supellectilem ad sacrificandum congruum: hæc enim sub ephod, quasi ueste primaria, intelliguntur. Verba ejus sunt: *Per ephud vel ephod, ea locutione quæ significat a parte totum, omnia possunt intelligi, quæ constituit Gedeon in sua civitate, veluti ad colendum Deum similia tabernaculo Dei... ornamenta vel instrumenta sacrarii, quæ omnia per ephod significata sunt propter excellentiam, ut dixi, uestis sacerdotialis.* Sic infra, cap. XVII, 5, et cap. XVIII, 14, sub ephod intelliguntur cætera. Unde Osee III, 4, LXX vertunt ephod *sacerdotium,* omneque instrumentum sacerdotiale. Quod vero S. P. loco cit. agat de ornamento pontificale, patet, quia ibidem sic concludit: *Non autem omnes sacerdotes tali utebantur superhumerali, quod esset ex auro, hyacinthro, et purpura, et coccino et bysso, sed solus summus sacerdos.*

Gedeonem fecisse ephod pontificale, sustinet etiam Theod. Q. 23, Serarius Q. 15, Tirinus, Estius et alii.

P. quas rationes habuerit Gedeon conficiendi hanc uestem pontificalem.

R. varias allegari ab interpretibus, quas seq. Q. in objectionibus proferemus. Interim non minima videatur fuisse, ut esset in monumentum Victoriae, per Dei oraculum et opem coelitus accepta: hanc enim consecutus erat per sacrificium in altari, a se jussu Dei erector, supra cap. VI, 26 et 27. In memoriam itaque sacerdoti sibi extra ordinem concessi, videtur hanc uestem voluisse facere, et ad majorem honorem familiæ sue quem in ea perpetuo extare voluit.

Notari etiam meretur, quod superhumerali istud fecerit postquam recusasset regnum sibi ab Israelitis oblatum, illudque in Deum resignasset, ut quodammodo profiteretur se esse verum Dei ministrum, ejusque jussa æque ac curam populi se in humeros suis excipere, ut ea illorumque infirmitates humeris suis portaret, ac mediator et sequester esset Deum inter et populum.

QUESTIO IV. — AN GEDEON FACIENDO EPHOD PECCAVERIT.

Quod non peccaverit Gedeon faciendo hoc ephod, conatur A Lapide probare tribus argumentis. 1. Quia dicitur hic quievisse in senectute bona. 2. Quia ad Heb., XI, ponitur in catalogo sanctorum Veteris Testamenti. 3. Quia vivente Gedeone, ejus ductu Israel servivit Deo, post vero ejus vitam deflexit ad Baalim, ut dicitur cap. VIII, 33.

Attamen quod hæc sihil convincant, patet: nam ad 1 et 2 colligi potest sotatio ex dictis supra Q. II: ex tertio vero inferri non potest, quod non dederit posteris occasionem idolatriæ.

Addit idem auctor: Favet etiam Aug. Q. 42, dum ait: *Deus illud factum Gedeonis patienter tulit, ut pax duraret: quia licet factum erat quod prohibuerat, non tamen longe recessum erat ab illo, qui tale aliquid in tabernaculo, in sui honorem fieri jusseral.* Sed nec hic textus ipsi favet: siquidem si factum erat quod Deus

prohibuerat, si recessum erat, quamvis non longe; ergo equidem ex mente Aug. peccatum fecerat. Hinc

R. et dico. Recte asseritur, quod Gedeon faciendo ephod, non fuerit immunis a peccato.

Prob. I. Quia ¶ 27 dicitur: *Factum est Gedeoni et domui ejus in ruinam, hebraice in laqueum.* LXX vertunt: *In scandalum,* et sic etiam legit S. P. Aug. Q. 42. Pagninus transtulit: *In offendiculum.* Atqui per verba illa: *In ruinam, in scandalum,* etc. Scriptura hic significat, domum seu familiam Gedeonis peccasse; ergo pariter insinuat, ipsum Gedeonem peccasse.

Prob. II. Quia licet intentio Gedeonis minime vergeret ad impietatem, tamen prævidere potuit et debuit, quod Israelitæ inde acciperent occasionem committendi idolatriam; cum experimento didicisset, quam essent huic vitio addicti, et quam crebro in illud essent relapsi, ut præsens Scriptura liber affatim testatur.

Prob. II. Auctoritate S. P. Aug. Q. 41 dicentis: *Hoc ergo illicitum cum fecisset Gedeon, fornicatus est post illud omnis Israel.* Item Q. 49, ubi S. doctor arbitrio lectoris relinquens, an peccaverit Gedeon petendo signum in vellere, ita scribit: *Dicat ut videtur, dummodo illud, quod de facto ephod Scriptura ipsa culpavit, quodlibet significet, non audeat excusare a peccato.* Accedit Theod. Q. 46 in Jud. dicens: *Contra legem erat quod factum est, nam solis sacerdotibus (utique summis) ephod (nempe pontificale) uti licet; per illos enim revelabatur quid facto opus esset: Gedeonis tamen intentio minime vergebatur ad impietatem, sed cum esset princeps, dux exercitus, voluit cognoscere per ephod, quid agere deberet.* Estius pariter censet eum peccasse ex imprudenti et immoderato zelo pietatis; quia non attendit, quam gravi de causa Dominus præcepisset Levit. XVII, in uno tantum loco, a se designando, offerenda esse sacrificia. Imo et ipse A Lapide postquam asseruisset, quod Gedeon a culpa saltem mortali excusandus sit, addit tamen, quod venialis imprudentia et inadvertentia in eo admitti possit.

Obj. I. In eo quod dicitur ¶ 27: *Factum est Gedeoni, et domui ejus in ruinam,* particula et accipienda est expositive pro id est, ita ut sensus sit: *Factum est Gedeoni, id est domui seu posteritati ejus, in ruinam, et scandalum.* Siquidem posteri ejus tam nobile monumentum adorarunt quasi idolum; ut postea contigit æneo serpenti Moysis (IV Reg. XVIII, 4), vel certe transtulerunt illud ad Baal, ut sic ab idolo oracula acciperent.

R. Neg. assumpt. Quia non potest clarus Scripturæ textus sine necessitate ad locutiones impropias connotandi.

Inst. Factum est domui Gedeonis in ruinam, et per consequens ipsi Gedeoni, in quantum pater quodammodo manet in filiis, secundum illud Ecclesiast. XXX, 4: *Mortuus est pater ejus, et quasi non est mortuus: similem enim reliquit sibi post se.* Et per consequens

pater punitur in filiis, in quantum manet aliqualiter in eis; et sic ruina filiorum Gedeonis per poenam redundat in ipsum, non tamen quantum ad culpam.

R. Scripturam satis insinuare, non tantum id Gedeoni factum in ruinam in suis posteris, sed etiam in ipso, dum et ipsum et domum ejus specialiter exprimit.

Obj. II. Licebat Gedeoni in ephode sacrificare: cum enim ipse jussu Dei immolasset taurum, ut dicitur cap. VI, 26, prudenter existimavit, quod Deus cum ipso dispensasset, ut, quamvis non esset sacerdos levitatis stirpis, tamen praeter ordinem a Deo auctoratus, in ephode sacrificaret, et consequenter illud sibi conficeret: idecirco enim videtur Deus illi mandasse, ut hoc altare erigeret; altare enim essentialiter respiciit sacrificium. Ita A Lapide.

R. quod, quamvis a Deo esset jussus sacrificare dum officium judicis et liberationem populi auspiciabatur, inde non sequatur, quod deinceps pro libitu ei semper sacrificare lieuerit.

Præterea oblatio sacrificii a confectione et gestatione ephod minime dependebat: nam et Manu pater Samsonis, infra cap. XIII, jubente angelo sacrificium obtulit, nec tamen ephod confecisse legitur: Imo et ipse Gedeon cap. VI sine ephode immolavit.

Inst. Saltem licebat Gedeoni hoc ephod conficerere, non ut eo uteretur, sed ut pontifex, qui non longe ab urbe Ephra habitabat, scilicet in Silo ubi erat tabernaculum, ab ipso in Ephram evocatus, hoc ephode induitus, pro ipso consulteret oraculum: cum enim esset judex populi, in rebus dubiis et perplexis indigebat responso et oraculo divino.

Deinde sperare poterat, fore ut area et tabernaculum in suam urbem aliquando transferrentur, sicut antea fuerat translatum tabernaculum de Galgalis in Silo tempore Josue, et in eum finem ornamenta pontificalia destinare poterat. Ita Serarius.

Resp. ad 1 quod fuerit æque facile et opportunum, transferre vestem pontificiam, ac ipsum evocare pontificem. Ad 2 dico, spem istam fuisse remotam, et debuisse edere periculo idolatriæ, quod prævidere poterat et debebat.

Obj. III. S. P. Aug. Q. 41 peccatum Gedeonis in eo constituit, quod praeter tabernaculum Dei, ubi erant ista que sibi fieri jussaserat Deus Israel, extra simile aliquid fieri fas non erat. Atqui non prohibuerat alibi fieri tale ephod; ergo, etc.

R. Neg. min. Sufficienter enim et implicite Deus prohibuerat illa ornamenta sacerdotalia alibi fieri, dum extra locum tabernaculi, idolatriæ vitandæ causa, sacrificia offerri prohibuit.

Petes 1. an Gedeon faciendo ephod peccaverit mortaliter.

R. verisimilius negative. Nam si peccasset mortaliter, non potuisset sufficientem agere penitentiam de isto peccato, nisi destruendo ephod, et sic auserendo occasionem idolatriæ. Atqui tamen hoc non fecit; et interim eo non obstante est beatus; ergo si gñrur est quod non peccaverit mortaliter.

Dices: 1. Potuit penitentiam egisse circa finem

vita, quando occasione sui ephodis videt populum ad idololatriam deflectere, quamvis interim propter inolitam ac roboretam populi malitiam ephod destruere non valuerit.

R. id non videri posse dici, quia non tempore vita Gedeonis, sed tantum post mortem ejus, populus relapsus est in idololatriam, ut patet ex y. 33 et 34.

Dices 2: S. P. Aug. Q. 42 videtur grave delictum in Gedeone agnoscere; sic enim scribit: Non præter eunda oritur quæstio, quomodo quieverit terra quadraginta annos in diebus Gedeon, cum post victoriam, qua liberavit. Hebreos, ex auro spoliorum fecerit abominationem, et post illam fornicatus sit omnis Israel, et fuerit illi et domui ejus in scandalum. Quomodo ergo post tantum nefas, quod et Gedeon et populus admisit, quievert terra? etc.

R. Neg. assumpt. Quia verba objecta non sunt solventis aut positive asserentis, sed inquirentis seu quæstionem sibi proponentis, quomodo nempe possit esse verum, terram quieviisse 40 annis in diebus Gedeonis, si nempe tunc tam gravia mala commissi sint. Ad hanc autem questionem respondet primo, peccatum illud tantum factum esse in fine dierum Gedeon, quando secuta sunt etiam mala, quæ deinceps Scriptura contextuit, posteaquam commemoravit quot annis in diebus Gedeon terra quieverit... Et factum est cum esset mortuus Gedeon, et aversi sunt filii Israel et fornicati sunt post Baalim... major itaque transgressio et fornicatio commissa est a populo post mortem Gedeon, quam illo vivo propter ephod: Quoniam et illud, etsi illicite factum erat, tamen de sacramentis tabernaculi erat: ista vero post idola fornicatio non habet vel falsam paternæ religionis defensionem. Unde et est secunda ejus responsio] etiam illud ephod, si non in fine temporis Gedeon, sed ante factum est, ita Deus patienter tulit, ut pac in terra perseveraret. Quia licet factum erat quod prohibuerat, non tamen longe recessum erat ab illo, qui tali aliqd in tabernaculo suo, atque in sui honorem fieri jussaret. Nunc vero graviora commissa et aperissimum post idola fornicationem populi esse noluit impunitum.

Ex quibus verbis patet, 1. quod idololatria populi, seu tantum nefas, non tempore vita Gedeonis, sed post ejus mortem incepit. Patet 2. quod, licet Gedeon peccaverit faciendo illud ephod, tamen non longe recesserit ab eo quod Deus fieri jussaret; adeoque videtur juxta S. P. Aug. posse excusari a peccato mortali. Unde et Q. 49, ubi rursus eamdem questionem tractat S. D. hoc unum urget, ne quis audeat Gedeonem in hoc facto excusare a peccato, sed nullo modo insinuat, eum peccasse mortaliter.

P. 2. An in numero 70 filiorum Gedeonis numerandus sit Abimelech.

Flavius Josephus lib. V Antiq., cap. 9, ita de Gedeone scribit: Habuit autem filios, legitimos quidem septuaginta, non ex uno matrimonio susceptos: nothum vero unum ex concubina Druma, cui nomen Abimelechus. Attamen Rihera in cap. V Amos, num. 64, Serarius in capite VIII Jud. Q. 17, et Menochius cen-

CAP. X. QUÆST. UNICA.

sent, numero 70 filiorum Gedeonis includendum esse Abimelechum, et hoc verisimilius appareat.

1. Quia videtur Scriptura hoc lib. cap. VIII, 50, universum numerum filiorum Gedeonis tradere, postea vero unum, de quo plura deinceps cap. IX dicenda occurruunt, ex isto numero excerpere, ejusque matrem et nomen breviter indicare.

2. Quia non videtur subsistere quod ait Josephus, fuisse 70 filios legitimos, et hunc solum nothum seu spurium. Si enim spectetur matrimonium, erat ex legitimo thoro; nam concubinæ erant verae uxores, quamvis non haberentur ut tales, sed tantum tanquam ancillæ. Denique si extra numerum 70 filiorum ponatur Abimelech, licebit dicere, Gedeonem non tantum 70, sed 72 filios habuisse.

Patet hoc: quia de Abimelech dicitur cap. IX, 5: Occidit fratres suos filios Jerobaal septuaginta viros, super lapidem unum; adeoque fuisse septuagesimus primus, et postea subdiuit: Remansitque Joatham filius Jerobaal minimus, et absconditus est; ac proinde fuisse hic septuagesimus secundus.

CAPUT IX.

Abimelech filius Gedeonis interfectis fratribus suis, imperium sibi vindicat tyranice per Sichimitis. Joatham frater ejus, qui solus evaserat, intent per apogolum rhamni exitium Sichimitis et Abimelecho, qui expugnando turrim, a muliere fragmine molæ opprimitur.

QUESTIO UNICA. — DE PRINCIPATU ABIMELECH.

Abimelech fraterna cæde infamis, a viris Sichem, et urbis Mello, distinctæ a voragine Mello, de qua II Reg. V, 9, rex constitutus fuit. Unde dicitur hic y. 22: Regnavit itaque Abimelech super Israel tribus annis. Non videtur tamen electus fuisse a toto populo israelitico, sed tantum a Sichimitis, contributibus suis ex genere materno, iisque adhærentibus viris Mello. Qua electione obtenta, putat Estius quod Abimelech vi armata principatum ulterius extenderit ad universum Israelem. Sed nec tribus Juda, nec cæteræ eum acceptasse leguntur. Hinc fere tantum in Sichem regnavit, ut patet ex y. 18 et seq. præsttim 20, 21 et 23. Unde

Dicendum videtur, quod tyranus potius quam judex fuerit. Nam 1. principatum convertit in privatum commodum, quo signo philosophus tyrrannum a principe distinguit. 2. Quia principatum injuste arrupit: nam ipsi nec electione totius populi, nec alio justo titulo competebat.

Cum enim vel a Deo suscitari, vel a populo saltem, divinitus excitato, eligi solerent judices Israel, et Abimelech neque a Deo suscitat, neque a populo, divinitus moto, sit electus: etiam non tam judex, quam tyrranus et invasor censeri debet. Unde et facta ipsius omnia tyrrannum potius quam judicem seu salvatorem, clamant.

Præterea titulus judicis, prout quidem illa vox et

dignitas hic sumitur, a titulo regis differt. Abimelech autem y. 6, 18 et 22, speciatim et proprie barbarico modo rex vocatur; ergo non est inter judices numerandus.

Impropriæ tamen et vulgariter in judicium catalogo recenseri consuevit, tum ut temporum supputatio tanto sat facilis, et servetur exactius; tum quia ejus tyrannis in judicariam reipublicæ gubernationem incidit, et ipse ante et post se judices habuit; tum denique quia de facto rem publicam administravit, quamvis jure ad illius gubernationem non pervenerit.

Joatham Gedeonis filius natu minimus, illis omnibus auditis, y. 7: Stetit in vertice montis Garizim, et apogolum, seu parabolam introduxit de lignis, eumque ad propositum applicans, dixit Sichimitis y. 16: Nunc igitur, si recte, et absque peccato constituisti super vos regem Abimelech, etc. y. 19: Hodie latet in Abimelech, et ille latet in vobis. y. 20: Sin autem perverse (uti certo male et pessime fecisti) egrediatur ignis ex eo, et consumat habitatores Sichem, et oppidum Mello; id est, ipse rex, quem male promovisti, vos perdat, et vos illum. Est hæc proprie imprecatio, qua Joatham impiis Sichimitis diras imprecatur poenæ, puta justam Dei vindictam et extitum: illaque imprecatio fuit efficax; nam revera igne et flamma dissensionis perierunt. Hinc additur

y. 20: Egrediatur ignis de viris Sichem, et de oppido Mello, et devoret Abimelech. Ita factum est, ut patet ex y. 53. Quamvis enim mulier, qua fragment mole desuper jacens, illisit capiti Abimelech, et confregit cerebrum ejus, non fuerit ex Sichem, sed ex oppido Thebes; tamen Thebes erat in finibus Sichem, ut testatur S. Hieron. in locis hebraicis. Addi posset, quod Sichimitæ fuerint occasio, cur a muliere occisus sit Abimelech.

y. 23: Misit Dominus spiritum pessimum inter

Abimelech et habitatores Sichem. S. P. Aug. Q. 45 in

Jud. per spiritum hunc pessimum intelligit diabolum.

Huic enim volenti turbare eorum pacem, et bellum concitare, Deus id permisit. Sic psal. LXXVII, 49, dicitur:

Misit Dominus in eos iram indignationis suæ, inmissiones per angelos malos.

Spiritus pessimum hic pariter diabolum interpretantur Cajetanus, Arias, Menochius Tirinus et alii. Nec permissive tantum, sed imperative seu positive cum Deus, quasi tortorem, immisso dici potest, ad impios divexandum et castigandum, ut sui sceleris et parricidii recordarentur, et penitentiam agerent. Turbare ergo pacem impiorum, probos unanimi vi opprimentium, ob finem assignatum, est virtus, non vitium: in diabolo autem est vitium, quia ipse malo fine id facit, scilicet ut odia, cædes, aliaque peccata suscitet. Hunc sensum admittit S. P. Aug. Q. citata.

CAPUT X.

Extincto Abimelech, Thola, dux Israel in numero judicium recensetur: huic quoque defuncto succedit Jair. Israelitæ in idolatriam relapsi, castigantur a